

„Kristin að hálfu leyti.“

Nú eru Aldamót, sem um nokkur undanfarin ár voru aðal-málgagn lúterska kyrkjufélagsins íslenzka, hætt að koma út. Aftur hefir byrjað að koma út annað rit, er fyllir sæti Aldamótanna að öllu leyti, að því undanteknu, að það flytur enga rittdóma um bækur er út koma á árinu. Þar eru engin „Linditré“ og engir „undir trjánum“. Engin index librorum prohibitorum. Í stað þess er þingbók kyrkjufélagsins.

Þetta nýja rit heitir „Áramót“ og er það troðfult af fyrirlestrum, prédikunum og fundagjörðum kyrkjupgingsins.

Ekki hefir Heimi verið sent rit þetta, en fyrir góð orð og betaling hefir hann komist yfir eitt eintak. Þar sem það er hans réttmæt eign, langar hann til að athuga það og fara um það nokkrum orðum, að eins þetta eina eintak.

Aðal kjarni ritsins eru tvær ritgjörðir. „Hinir höltu“, ræða eftir séra Fr. J. Bergmann, og „Helgi magri“ fyrirlestur eftir séra Jón Bjarnason.

Auk þess er „Pingbók kyrkjufélagsins“ í engu frábrugðin venjulegum íslenzkum fundagjörðum, og „Merkjalínur“ fyrirlestur eftir séra Niels S. Þorláksson, óendanlega langt rugl og leiðinlegt, út af hærrikritíkar deilunum og fleiru. Oss finnst allur hugsanagangur fyrirlestursins vera líkastur viðvaningi sem læra er að draga til stafs. Hann rissar út alt blaðið með ein-tómum „línum“ áður en hann kemur nokkrum læsilegum staf á spázíuna.

Þá eru hinar tvær ritgjörðirnar. Fyrirlestur séra Jóns, „Helgi magri“ gengur allur út á það, að sanna mönnum að þjóð vor sé na um a st hálf-kristin. Telur hann þar margt til sönnunar því, svo sem ýmsar blaðagreinar, sem birzt hafa á árinu í íslenzku blöðunum, ýmsar bækur, er út hafa komið síðan um aldamót, og síðast fyrirhyggju þá, sem þjóðin og helstu menn hennar hafa sýnt í því, að reyna að bjarga sér, koma verzlun og fjármálum landsins í betra horf, og nota ýmsar vísindalegar uppgötvanir til hagnýtingar fram-